



徐文長集 五之六



庫 文 閣 內		
四 函	三 〇 二	漢 書
九 架	〇 冊	號 類

庫 文 閣 內		
三 一 函	三 〇 二	漢 書
一 架	〇 冊	號 類

內 閣 文 庫		
番 號	漢 3602	
冊 數	10 ( 3 )	
函 號	317	135





徐文長文集卷之五

淺草文庫



公安袁宏道中郎評點

古歛郝之壁子荆校訂

七言古詩

贈呂正賓長篇

每氣撲城城不守。倭奴夜進金山口。銅簽半傳鷓鴣  
膏。血斜凝紫花繡。天生呂生眉采豎。別却家門守  
城。城。獨攜大膽出吳關。鐵皮雙裘青檀樹。樓中唱罷  
海。海。照。倒着儒冠高拂雲。從遊泮水踐繩墨。却嫌去





采。春。芹。呂。生。固。自。有。奇。氣。學。敵。萬。人。非。所。志。天。姥  
中。峰。翠。色。微。石。榻。斜。支。讀。書。處。

三茅觀觀潮

意似長吉却復清亮

黃。旛。繡。字。金。鈴。重。仙。人。夜。語。騎。青。鳳。寶。樹。攢。攢。搖。綠  
枝。海。門。數。點。潮。頭。動。海。神。罷。舞。迴。腰。窄。天。地。有。身。存  
不。得。誰。將。練。帶。括。秋。空。誰。將。古。概。量。春。雪。黑。鰲。戴。地  
幾。萬。年。晝。夜。一。身。神。血。乾。升。沉。不。守。瞬。息。事。人。間。白  
浪。今。如。此。白。日。高。高。慘。不。光。冷。虹。隨。日。縈。城。隍。城。中  
那。得。知。城。外。却。疑。寒。色。來。何。方。鹿。園。草。長。文。殊。死。猊  
子。隨。人。吼。祇。樹。吳。山。石。頭。坐。秋。風。帶。着。高。冠。拂。雲。霧。

陰風吹火篇呈錢刑部若附書

入山

側聞公遠臨江許普薦國殤補化理之不及  
超沉淪而使脫涓敷揚鮮才歡喜無量賦得  
陰風吹火篇以獻附書別作四首兼乞覽觀  
率戲效李賀體不審少有似否別奉唐集一

部伏希垂納

較長吉神絃更悲黯

陰。風。吹。火。火。欲。燃。老。梟。夜。嘯。白。晝。眠。山。頭。月。出。狐。狸  
去。竹。徑。歸。來。天。未。曙。黑。松。密。處。秋。螢。雨。煙。裏。聞。聲。辨。



鄉語有身無首知是誰寒風莫射刀傷處關門懸燧  
稀行旅半是生人半是鬼猶道能言似昨時白日牽  
人說兵事高旛影臥西陵渡召鬼不至毘盧怒大江  
流水枉隔儂馮將呪力攀濃霧中流燈火密如螢饑  
鬼未食陰風鳴髑髏避月攫殘黍幡底颯然人髮豎  
誰言墮地永爲厲宰官功德不可議

楊妃春睡圖

風流繡艷宛爾長吉

守宮夜落胭脂臂玉堦草色蜻蜓醉花氣隨風  
墻無人知道楊妃睡卓紗帳底絳羅委一團紅  
秋水畫裏猶能動世人何恠當年走天子欲呼與語  
不得起走向屏西打鸚鵡爲問華清日影斜夢裏曾  
飛何處雨

雪 快想白佳

暮天寶色珊瑚紫海氣結雲雲不盡瑤闕重關金鎖  
寒枕席無歡帝妃死百神走馬散曹吏馬蹄踏空神  
各視天孫纖手裁素羅總帳橫施九萬里鮫人絲色  
光海波海犀輸織一萬馱神人買賻不足用長鬢散  
縞呼諸娥世人不解天上苦羅帳錦箏圍日暮換民



貂襴拂玉鞍起向山南射黃兔

萬里比隣篇贈嘉則

白藤織笈春花密青袍剪水波紋濕出門寸步即天涯  
涯幃底牽衣絃正急關山斷路不斷雲吳刀割水那  
得分章華楊柳弄舊色何地却少春申君人生遠遊  
須及春青天能容七尺身芳草長途去萬里望望吾  
家隨處是

述夢 有古趣

伯勞打始開燕子留不在今夕夢中來何似當初不  
飛去憐羈雄嗤惡侶兩意茫茫墜曉煙門外烏啼淚  
如雨

又

跌而濯宛如昨羅鞋四鈎閒不着棠梨花下踏黃泥  
行踪不到棲鴛閣

今日歌 是年虜寇古比  
口入薄都城

琉球佩刀光照水三年不磨繡花紫換錢解向市中  
懸我貴彼賤無人市家惟此刀頗直錢易錢不得愁  
欲死客問此刀值幾何廣州五葛飛輕雨乃今求市



不較量、但輸三葛錢、亦止千人十、往九不顧向、乃長  
立折雙趾、一日不食、良已饑、兩日不食、將何以却走  
異縣、告長官、往日停車、儻知已平生、自有孟嘗心、今  
日翻思門下士

二馬行 頓挫宛鬱

誰家兩奴騎兩驄、誰是主人云姓宗、朝來暮去夾街  
樹、經過煙霧如游龍、問馬何由得如此、淮安大荳清  
泉水、曾排兩嶽橫、難羈尾撒圓毬、驕欲死、陽春三月  
楊柳飛、騎者何人看者稀、梅花銀釘革帶肥、京城高  
帽細絹衣、馬厭參養、有威出入顧盼、生光輝、去年  
防秋古北口、勁風吹馬馬逆走、對壘終宵不解鞍、食  
粟連朝不盈斗、將軍見虜飽掠歸、據鞍作勢呼賊走、  
士卒久矣知此意、打馬追奔僅得殼、天寒馬毛腹無  
矢、饑腸霍霍鳴數里、不知此處踏香泥、一路春風坐  
羅綺

送蘭應可之湖州

梅黃雨霽帶陰輕、送客西門驛路平、會多忽別疑且  
驚、愁心應手絃、凄清荷花鏡裏紅、侵舫時共耽遊楫



徐漾思君茗溪若天上空佇清歌對誰唱

觀獵篇

并序

蒼涼入古

王將軍邀予觀獵時積雨初霽飛走者避匿  
予從將軍諸騎士牽狗出太平門抵海寧沙  
上頃刻馳百餘里不見一雉兔而還乃割所

携鮮飲月唐寺中

茅刀割水嬌紅茜風偃寒梢臥長堰青林疎樹隔荒  
墳白水茫茫看不見將軍本是北平豪記得依稀身  
姓曹怕向揚州作貴客慣從下澤驟鳴鑣萬里秋郊

平似舸千騎圍中一是我箭叫餓鴟龍騰快馬趁鹿  
逐麋解繚掣鎖耳後生風鼻頭出火自來此州殺賊  
不暇阜鵬氣銷韓盧鳧墮昨見儒生衣長履大入揖  
令公揮金不謝抽筆制詞彎弓輒射在釋挾屠刳牛  
食鮮外枯中腴無所不可促騎請邀徵徒出野牽犬  
莫遲見兔輒打儻遇大兕一發斷髀爲先生壽引滿  
十竿健兒跪領將軍言翻身上馬去如煙寶刀映日  
不足數角巾受風真可憐淺草平堤水痕聚萬蹄避  
水移家去沙擁肥螯掠斫飛絲牽小牙當空乳漢將



徐文長文集 卷五 六  
窮追路欲闌。胡家甌脫避何難。今朝立馬祁連上。不見匈奴一騎還。

題任子家所藏雙鳳鳴陽畫

海水動天天欲曉。天曉日炙珊瑚老。鮫人泣夜不得眠。早起來聽鳳凰叫。梧桐百尺秋雲際。竹梢覆水千年子。一飛一宿還一鳴。百神張樂鈞天啓。梧生誠亦難。鳳出良不易。願以黃金鑄梧樹。莫教飛向丹山去。

畫鷹

閩南編練光浮膩。傳真誰寫蒼厓鷲。生相由來不附人。綠鞵空着將軍臂。八月九月原草稀。百鳥高高兔走肥。煙中斂翼遠不下。節短暗合孫吳機。此時一中貴快意。深林燕雀何須避。惟將搏擊應涼風。誰貪飽鬪矜山雉。昨見少年向南市。買鷹欲放平原纒。凡才側目飽人餒。不似畫中有神氣。夜來鷗梟作精魅。安得放此向人世。秋風一試刀稜翅。

贈歌者 綺色欲掩張籍

東風吹雨楊花落。清歌細遶鳴鐘閣。斗酒將傾客不來。白日斜飛晚雲薄。回腰欲舞不得舞。試買羅衫倩



誰估

對明篇 所謂狂語不須刪

四明山高萬丈南為姚邑。向前屏北即新昌後門障。  
新昌有客身姓呂。要與此山約為主。尺素馮將一穴。  
通屋後安窓小。如許窓中有時颯風雨。說是山靈教。  
送與夜來猛虎嘯。一聲雄心枕畔風吹去。長安花枝。  
高入天。金陵有酒多如泉。花留酒勸不肯在。歸來只。  
愛窓中眠。窓中有書積萬卷。書盡是山靈管有才。  
無命不干時。亦對山靈同一莞。聞道去年醉采石。醉

去。狂來呼李白。散髮題書萬竹中。騰身舞劍青天側。  
此時山靈失主人。自騎青虎尋復尋。肉眼那知神道。  
至。主人自識交親臨。竭來筆端自有神。橫開醉眼雙。  
作。嗔。此時墨雨添江水。此際詩花弄莫春。好轉折江水。  
渺無邊。射策封書復幾年。明珠不遇賈胡識。寶劍難。  
酬。夜色鮮。詠諧漢庭方朔老。如聞永謝長安道。况我。  
今為抱拳人。蟻虱移家宮絮襖。兩人曾作青春身。當。  
時同說不同貧。君今幸不為樊鹿。亦似蛟蟠不得申。  
蓮花之峰亦佳麗。君胡中道相捐棄。邀我題詩對四。



明我自貪君百壺旨，只恐蓮花噴四明。喜我亦付之一醉矣。

繼溪篇

海水必自黃河來，桃樹還有桃花開。試看萬物各依種，安得蕙草生蒿萊。龍溪吾師繼溪子，點也之狂師所喜。自家溪畔有波瀾，不用遠尋濂洛水。年年春漲溪拍天，醉我溪頭載酒船。一從誤落旋渦內，別却溪船三兩年。

北雲篇

君家樓北樓子山，大椿千年去不還。白雲一片松間起，游子相望淚如雨。殷勤夜烏莫更啼，東方日出煙生縷。

賦得百歲萱花爲某母壽

二十年前轉眼事，憶共郎君醉城市。阿母烹雞續夜筵，夜深燭短天如水。我母當時亦不嗔，郎君過我亦主人。兩家酣醉無日夜，顰愁甕怨杯生菌。只今白首二十載，我母不在爾母在。八十重逢生日來，雙扉况復門庭改。我今破網未畚然，兩翅猶在彈丸邊。郎君



長奇書一紙阿母多應贊一言上壽誰人姓張者圖  
裏萱花長不謝阿母但辦好齒牙百歲筵前嚼甘蔗

楚宗室雞將啄蟻畫 起語雅奧

錦葵窠下雄雞白黃蟻有翼飛終盡不應草葉更相  
遮五寸荆軻千里隔王孫妙思快啖吞馬遷奇筆寫  
鴻門當機對敵只如此翻令看者飛心寬

沈刑部善梅花却付紙三丈索我雜畫

長安街上塵如霧葛布眼眼風難度歸來掃溷索長  
箋一束溪藤沈刑部墨漿五合飽蒼蠅刺葉藤花掃  
不成門前銅盞呼人急却是冰兒來賣冰乾喉似火  
逢薪熱一寸入口狂煙滅自慚野卉不成妍刑部梅  
梢如拘鐵

送陳君會試 宛折次第有法

霜花作錢綴芳草折荷送客邪溪道荷乾葉老障啼  
鴛不及梅花弄清曉折却梅花贈所知娥江東邊舜  
江西封書七尺長髯客早晚長安白馬嘶長安白馬  
去如雲杏花有情要逢君爲君留却花三載肯倩東  
風嫁別人去年君來棘墻柵半醉不醉秋月白遺我



海蚺顛三百瓦溝。一瑩霜雪。今年君馬向長安。我無一絲挂君鞍。但飛一滴相思淚。萬里隨風到杏園。

天壇

高皇乘此馬夕月今誤用之為郊白雀事見酉陽雜俎

張公當時騎白雀。不與高皇共斟酌。一從九鼎向幽燕。碧壇空鎖琉璃斲。古松舊柏黑成迷。綠瓦從中一雉飛。楊雄不得陪郊祀。空憶當年執戟時。龍駒遠自施羅來。開平已死無人騎。却付羽林誰健兒。壓沙五石緩其蹄。真人雄心老更雄。月中自控赴齋宮。四十八衛萬馬中。一塵不動五里風。黃柏太苦蔗太甘。盛時文字忌新尖。當時作頌卑枚馬。付與金華宋景濂。

十六夜踏燈與璩仲玉王新用飲於大中橋之西樓

樹枝畫月千條弦。十五不圓十六圓。挂向酒樓簷外邊。南市好燈值底錢。大中橋上遊人坐。不飲空教今夜過。紅脂在口香在樓。那能一個到壚頭。青衫白馬無聊甚。望斷黃金小鈿鞦。

六月七日之夕與梅君客生及諸鄉里趁涼於



長安街醉而稱韻得片字

長安白苧風吹斷。銀河瑟瑟難成片。楚人慣自唱陽春。一曲未終人已散。西內湖荷沒鶴長。裁箏不得只聞香。東方萬瓦寒樓閣。月照金鳩琥珀黃。

摩訶庵括子松下聽弦上人彈琴

上人號無弦云翰林人所

與

括子松知幾樹黛色遙遙入雲際。上人彈琴坐其底。十指引出七條水。松清琴妙聽者寒。松葉堆翠成高山。流濤遶殿撼鐵板。獅子欲吼復不敢。泛聲忽歇浮雲任細猱。一寸猿騰去南園。玉蝶隔花聽東海。金鳩乘霧語。穎師一曲悲昌黎。我亦聞弦別鶴悽。悟來忽問無弦旨。指鳴弦鳴須答對。是不是。問太史。

謔雪

一笠黃茅小草屋也。巖巖一甕菴芥儒也。

梅花一夜窓中見。昨冬少雪春無霰。寒來借景苦無多。窓小只須三百片。每舉枯杯對此花。只愁落盡是風沙。誰知滕六雖無賴。亦遣殘綃縞樹叉。一行分向朱門屋。誤落寒酥點羊肉。錦屏不使凍胭脂。飛絮落鹽絃上撲四條。觔急冷鷓鷄。一二時中肉作圍。豈無



一笠黃茅裏。僵殺巖巖。一甕藎初起。青蘋本亦同。大王畢竟是雄風。總令受者自分別。難道青天秉至公。

白鵬詩

閩南煙雨迷青嶂。孤雌挾子飛天上。却憶羈雄不得歸。兩槩深籠鏡波漾。片雪長梢向尾分。有時夢見武夷君。山長水遠無書寄。不及南飛鴻鴈羣。主人為爾苦惆悵。開籠欲放非難放。贈繳鷹鷂何處無。萬里馮誰報無恙。

握錐郎

城西南。握錐郎。醉臥人家樓上牀。樓上女兒髮未長。汗脫胭脂。旋午粧。錐郎雙管。軒正。急女兒一見走且僵。走向廚中喚爺娘。認是西家老鴉。鴉從來不亂雌。雄匹定是多為麩。麩傷扶下樓。層梯十二。明朝說與都不記。豆蔻孤香依舊含。葡萄千日如前醉。我聞此語高其人。有迹無心那可嗔。東墻桃花各有主。肯使西家共個春。楚國才芳無宋玉。東鄰如花女獨宿。攀墻喚玉已三年。玉對楚王堅可憐。小臣不此登徒輩。似隔銀河路幾千。阮籍酣來眼不青。阮咸醒處大奔奔。



徐文長文集 卷五 三  
鶉借馬追姑生奪婢因喪弔女哭無情哭無情笑有  
態倒千金須一買即使囊空買不成韓香竊却未相  
應罷繡豈少倚市門且須濁水澆乾唇投桃或可求  
連理贈藥安知不涓津烏雜配獸亂羣卓軫鳳皇生  
逾賤韓塚鴛鴦死越芬青陵一曲崩高雲

星渚篇

昨夕夢見張騫至今朝忽遇婁星渚同是天河往復  
還可曾相識牛和女牛女迢迢河漢邊烏鵲爲橋牛  
月圓黃姑憐彼久離索折取瓊枝插作妍龍山盡處  
深波白夜夜予來弄明月釣竿拂却珊瑚長波聲細  
作琵琶咽此時予思橫不禁此際蕭郎繫妾心樓中  
刻漏滴復滴月裏梧桐陰復陰婁子訝予醉欲去去  
買鯉魚長尺許既教柳葉出娥眉更取花枝催羯鼓  
鼓聲高急似鳴鼉星高月落奈如何依稀鵲叫東方  
白爲作迢迢星渚歌

無題

中秋作

黑雲風搓成細索皎月天開空霽落雲索條條有時  
斷月皎夜夜同君樂杯酒壺觴不盡與坐到天明復



後集卷五  
沽飲彩雲五色。月染成添。護蟾宮桂花影。

廿八日雪

時綿被  
被盜

生平見雪顛不歇。今來見雪愁欲絕。昨朝被失一池  
綿。連夜足拳三尺鐵。楊柳未葉花已飛。造化弄水成  
冰絲。此物何人不快意。其奈無貂作客兒。太學一生  
索我句。飛書置酒雞鳴處。天寒地滑鞭者愁。寧知得  
去不得去。不如着屐向西頭。過橋轉柱一高樓。華亭  
有人任其上。我却十日九見投。昨見帙中大可詫。古  
人絕交寧不罷。謝榛既與爲友朋。何事詩中顯相罵。  
乃知朱轂華裙子。魚肉布衣無顧忌。卽令此輩忤謝  
榛。謝榛敢罵此輩未。回思世事髮指冠。令我不酒亦  
不寒。須臾念歇無此事。日出冰消雪亦殘。

題畫

南海荔枝我曾喫。今見雙鷗奪殘一。邊郎元是隴西  
人。乃能畫此南中物。我聞南海之枝更絕倫。却只聞  
之未入唇。不知雙鳥爭殘顆。只是海南還是閩。

鄭本白兔

似長吉樂府

噫。吁。嘻。蝦蟇無翼能載弄。妻宋鵲之捷寧不能飛人。



言日廣千里月亦如之七爲樓臺三爲坻吳昱斫桂  
不得睡帝命牽犬而獵之婁金之宿徒有光芒趙簡  
之翟旣以贈將是今持手不得獵下呼鵲也騰蒼蒼  
玉兔告墓墓不得庇宋鵲上天玉兔下地

沈叔子解脊刀爲贈

沈子報讎塞外行一詔便得千黃金買馬買鞍意不  
慳更買五尺番家鐵鏤金小字半欲滅付與碧眼譯  
不出細瓦廠中多狐狸京師夜行不敢西叔子佩之  
只一過黃蒿連夜聞狐啼今年我從上谷行中丞遺

我聊癸庚買驢南歸只兩旬只愁馬上逢黃巾叔子  
見我無所仗解刀贈我行色壯畢竟還從水道歸挂  
在蓬窓兩相向一日十拔九摩掌鞘影鱗鱗入向河  
須臾報道漁罩外電脚龍騰五尺梭

客強予畫十六種花因憶徐陵雜曲中二八年

時不憂度之句作一歌因爲十六花姨歌舞

纏頭亦便戲效陵體用陵韻

裏鄰西舍麗難儔新屋栖花迎莫愁蝴蝶固應憎粉  
伴牡丹亦自起紅樓牡丹管領春穠發一株百蒂無



休歇管中選取八雙人。紙上嬌開十二月。誰向關西  
不道妍。誰數關頭見小憐。儂爲頃刻殷七七。我亦逡  
巡酒裏天。昭陽燕子年年度。誰能鏡裏無相妬。鏡中  
顏色不長新。畫底胭脂翻能故。花姨舞歇石家香。依  
舊還歸紙研光。莫爲弓腰歌一曲。雙雙來近畫眠牀。

予作花十二種。多風勢中有榴花。題其卷首曰

石醋醋罵座 風流一事

洛陽城中崔處士。花園麝起花妖至。封姨十八太顛  
狂。石家醋醋新高髻。醋醋能嬌百帶半。珊瑚枝上織

鮫綃。明珠似月搖難落。冰任黃魚白鰓膠。封姨身重  
不能斤。翻杯濕却石家裙。初來競唱迎姨曲。轉眼翻  
爲罵座人。朱唇粉暈山眉遠。愁來皺斷春蠶繭。石娘  
嬌小不辭觴。夜深潮淺腮紅軟。金鈴不動仗崔徽。明  
歲馮他十八姨。借問當時諸女兒。可似此中數抹藍  
燕脂。噫吁嘻。胡蝶灰黃蜂。錐封姨之風。豐隆雷問畫  
圖。有與無。十八姨。胡爲乎。高陽酒徒。燕市狗屠。耳熱  
之後。秦箏鳴鳴。明日重陽。無錢可沽。十八姨。胡爲乎。  
十指握鈎。五白呼盧。夜叉子都同醉。一壚十八姨。胡



爲乎

蟹 詩亦不肯工似

雖云似蟹不甚似，若云非蟹却亦非。無意教君費裝  
裹，君自裝裹又付題。世間美好人奪冒，略涉小醜推  
向誰。此幅難云都不醜，知者賞之不容口。塗時有神  
蹲在手，墨色騰煙逸。從酒無腸公子渾，欲走沙外漁  
翁拘楊柳。

王鷺亭鴈圖

本朝花鳥誰高格，林良者仲呂紀伯矮人信耳。輒觀  
場只曉徐熙與崔白，崔徐一紙價百金。風韻稍讓呂  
與林，卽如此圖王鷺亭。云是剡溪雪夜人，鴈兒一掃  
六十隻，何隻不落青天雲。沙黃蘆白喜相逐，逸者飛  
鳴勞者宿，不須彭蠡泛扁舟。彭蠡湖今在吾目。

畫百花卷與史甥題曰漱老謔墨

世間無事無三昧，老來戲謔塗花卉。藤長刺澗臂幾  
枯，三合茅柴不成醉。葫蘆依樣不勝搯，能如造化絕  
安排。不求形似求生韻，根撥皆吾五指栽。胡爲乎區  
區，枝剪而葉裁。君莫猜墨色淋漓雨撥開。



又圖并應史甥之索 跌宕古快

陳家豆酒名天下，朱家之酒亦其亞。史甥親挈八升來，如椽大卷令吾畫。小白連浮三十杯，指尖浩氣響成雷。驚花螫草開愁晚，何用三郎羯鼓催。羯鼓催筆，兔瘦蟹螯百隻，羊肉一肘。陳家之酒更二斗，吟伊吾，迸厥口為儂，更作獅子吼。

九馬圍人圖二圍醉瀕墮

王元美為太僕卿時刻穆王八駿圖形如

蝮

穆王八駿西馳去，造父把轡為之御。此時八駿誰傳

形太倉老王太僕卿，刻石嵌在卿之庭。馬瘦尾尖，無肉頸長，筋綻抽蘭莖，儼如蝮，蝮綠壁騰，謂之為龍。特無鱗，此圖之馬乃九匹，却比八駿多其一骨聳肉勻，亦奇物。老眼寧知畫者誰，摩挲却是孟頫筆。牧夫九人，二人醉醒者扶之，醉不墜。河南山東牧馬見汗，酒胡葱醉似泥，此時儻墮無扶持，馬且失矣。太僕管

完淳篇

人索咏其別字

七孔雖外交，誰令滑其裏。一朝一鑿之，七日渾沌死。大隗山上牧馬兒，軒轅黃帝稱天師。牧兒馮馬馬則



擾伯樂治馬馬生巧。噫吁嘻海若太倉之米莊生濠  
土之魚紀涓木雞之無敢應野老鷗鳥之忘其機葛  
天無懷差可意。盧敖汗漫長相思。不周崩墮只下土。  
破天一角誰與補。石頭五色爛如花。女媧十笋高能  
許。君不見朱提着銅銀墮。質心銀之鴈知何限蜘蛛  
借雨詐。驪且絡緯將聲。渾紡車巧則巧矣。真則差。鄭  
君號完淳。陳君請我說。我謂淳之完。辟彼雲中月。自  
雲自月自掃除。高團依舊金蟾蟾。

閩王某摹伯時昭君下嫁圖單于親逐之隨騎

土胡姬姬嬌而騎與單于竝。寧健可畏。鄴  
結束文馬華旌及姬之靴帽竝妍。絢可愛而  
掌琵琶者尤勝。胡决不辦此李蓋以意爲之  
取悅人目。馬三兄投賦賦之

毛奴索金嬌不予。貌取西施爲嫫母。一朝遠嫁作閼  
氏。不及宮斜一杯土。奴也貌嬌故不真。龍眠貌嬌相  
隔千餘春。朝風莫雪一萬里。粉腮那得嬌如此。故知  
兩貌師彼此妍媸。雖各別竝是以意而爲之。人生觸  
處有不幸。東脫網罟西亦穿。漢宮顏色不及天子知。



胡廷憔悴未必單于終始相親近琵琶小妾百雙眉  
是胡是漢盡花枝老抵夜醉葡萄酒遞入氈帷知不  
知

朱次公讀書飛來山羣彥過訪携飲塔顛方拈

六韻擬賦爾至踉蹌而下漫聞次之

枕書小睡門開半客來就榻彈書喚携壺醉客相輪  
尖餓鶴窺舖攪雲亂繒厨沸酒百蚊飛雙棗沈茶紫  
繭微酒罷書橫依舊睡夢為蝴蝶別花世

菘臺醋

恢諧峭快

辣鼻作犀向月印便啣鼻涕一尺長十印九低頭作  
鷲才能一噫喚作霧積年糟蠱爛人腸霎從毛孔走  
大荒一戰笑受糟會降伯倫無婦堪詒左誰持五斗  
來賀我戰捷知真却病不與敗少渠真不可西國葡  
萄那得來吾鄉豆醞逐家堆黃公握曲千年返卓氏  
當謔百店開新渦放水荷花白舊棧濺珠黃琥珀個  
個軒聞切利天人人夢到華胥國華胥國冷醺醪生  
無歡死無哭孟公紫菘賽黃獨綠臺大拇抽肥玉一  
澆一段魯微生閑在春瓷餉醉人一嚼一噫醉輒醒



醒來却苦多煩惱。醒固不惡醉亦好。

張旭觀公孫大娘舞劍器 羚羊海馬

大娘只知舞劍器。安識舞中藏卓字。老顛瞥眼拾將歸。腕中便覺蹲三昧。大娘舞猛懶亦飛。秃尾錦蛇多兩腓。老顛蛇黑墨所為。兩蛇猝怒鬪不歸。紅氈粉壁爭神奇。黑蛇比錦誰。印低野雞啄麥翟。與暈一姓兩名無。雌老顛蘸墨捲頭髮。大娘幞頭舞亦脫。留與詩人說。題跋常熟翁來索判頰。常熟長官錯惟人。

書茅氏畫

臺閣絲綸圖茅老將贈一貴人

小李將軍固名筆。輕描細染工如織。若圖臺閣與絲綸。界畫便須三十日。茅君揮灑無一塵。只如此幅自清真。瀟瀟數點江湖墨。寫出巖廊輔世人。

附畫風竹於箏送子甘題此 李爾語神轉茶

奇

送君不可俗。為君寫風竹。君聽竹稍聲。是風還是哭。若個能描風竹哭。古云畫虎難畫骨。

漁圖

何人畫秋色。蘆花繡如組。罷釣睡孤舟。月滿瀟湘浦。



撒網打魚驚鴈飛釣竿閒挂冷魚磯醉餘正好割鮮  
膾性殺松鱸畫裏肥

壽王生

四十年前王國鳴紅帶編繩束髮青衆客對之俱含  
情我亦把酒勸一觥欲引其答騎不應今來轉晴年  
六十頭髮雖黑髭鬚白諸朋作壽鵝雙蹠我却龍鍾  
行不得送看一格四柿朱令我自喫省我沽惜少方  
闌唱鷓鴣方闌若在亦醜吾

沈將軍詩

沈以鼓吹起有間

將軍者誰沈家郎學書學劍學漁陽呼臬喝雉疲夜  
場月低日高睡竟忘軀幹雖小膽則姜十年從軍官  
叅將殺賊歸來坐五羊明珠芡米側槩量買得綠珠  
可姓梁一妻五妾愁專房廣西藤酒世無雙海南紅  
螺不假鑲直錢雖少貴天生鸚鵡不談立酒旁文犀  
玳瑁細碎粧龍腦一縷飛中央左縣翡翠玉螭蟻右  
挂鏤金小鳳皇迴身未步身先鏘盼影入鬢斜月光  
拽郎髭鬚郎吻張大卮小卮響喉隴池中豈少雌鴛  
鴦安得老鶴專頡頏郎誰與歡思邊疆誰者換馬邯



鄆娼盧龍將軍急才良見郎謂何用不臧且試鎖鑰  
扼背吭分道密雲汝往當漢家猛士守四方沈郎沈  
郎不尋常我思古人等鴈行吹簫者誰勃丞相

春野圖

北門之外多佳麗白水茫茫遶天際中有幽人春野  
翁摘荷採芰紉衣袂春野讀書曾萬卷只今一字不  
欲看只將元氣手中調不許紅塵眼中散昨者鑄鼎  
鍊九還吾欲從之乞一丹青牛在田不肯語輕簑大  
笠天將雨

劉雪湖梅花大幅

風氣散逸

梅花自是花中魁畫梅花者今數誰雪湖劉子故不  
俗未畫梅花先寫竹花梅篠竹兩相於直幹橫梢鏤  
不如最好片雲遮一抹尤宜大雪踏孤驢我與劉君  
相見初較量長短將髭鬚圈花少讓元章筆發幹元  
章不若吾捉筆呼煤將發幹閉門自不令人看須臾  
歇筆乃開門一掃槎枒三丈絹我客金陵訪畫梅畫  
梅莫妙盛行之劉君放逸不可羈一劉一盛無雄雌  
我今白日題梅畫恍忽如夢羅浮夜覺來香風攬衣



後文長文集 卷五  
帶花下美人是何代。

洞巖入鼈口有石枰石橋及石池諸景

洞梁高負泥沙惡一軀巧骨畏痴鞞昨聞已是三十年今夕張燈始捫摸初疑螺尾不可梯再進再折無盡期魚腦別波枯未已蜃脚逢沙澁懶移人言此語得大槩却須請君說細微桃根倒殪蟲嚙久蜜脾仄  
捷蜂歸稀三洞三洞止一隙解衣臥洞身投鼈三洞之門  
曰鼈蒼枰爛斧或有人石橋浸影終無月當時將侯身不死一去親賣五日米遙聞櫓響送江船頭上恐

是錢塘水

僧云洞巖寺及田地俱鄉人蔣二舍其探洞事如此今鹽橋蔣相公是也

避秦

豈直武陵隈何事桃花不出來星河作影當歸路疑是淳于夢大槐  
古欽郝之壁子荆校訂

蘭泉篇

白虹細細三千尺蘭茗葉葉垂青碧百草諸芳不敢吹惟有湘洲杜若與之齊浴蛟飲鹿無不可漱齒洗耳隨君宜

出塞

清麗

漢將去堂堂邊塵靖不揚雪洗荒漠踏沙攪寒風黃



帶花下美人是何代

洞巖入壑口有石枰石橋及石池諸景

其韻甚宜。泥沙惡。一驅巧骨。累飾。靜。聞。已。是。三。十。

火。對。百。眠。眠。林。林。苦。與。之。齊。谷。勉。燭。虱。無。不。可。嫩。肉。我。

自。世。睽。睽。三。千。尺。蘭。苔。葉。葉。垂。青。雲。百。草。枯。老。不。如。

蘭泉篇

請君說細微。桃根劍。靈。靈。入。室。屏。不。

吳。敦。干。夢。大。魁。三。洞。止。一。隙。鮮。衣。臥。洞。身。投。壺。之。門。

豈。直。短。刻。則。何。事。淋。淋。不。出。來。皇。天。所。許。景。當。龍。龍。結。

吳。廷。猷。水。其。科。賦。事。賦。此。今。盤。嶽。蘇。林。公。吳。世。其。其。

徐文長文集卷之六

公安袁宏道中郎評點

古歛郝之壁子荆校訂

五言律詩

銅雀妓

重泉鎖玉燕。閨燭繞金蛾。君銷陵柏土。妾斷偃松蘿。薦夢無雲雨。留香別綺羅。願為銅雀瓦。生死托漳河。

出塞 清麗

漢將去堂堂。堂邊塵靖不揚雪。沈荒漠暗沙。攬塞風黃。



虜帳朝依水，胡酋夜進觴。舞見迴袖窄，無奈紫貂香。

琉球刀 時客常山

客將刀出市，云是大琉球。海泛防龍合，天陰聽鬼愁。  
揮空霜欲落，脫匣水堪抽。萬里烽煙地，隨身去莫留。

又

單刀新試舞，雙劍舊能輪。雨過腥聞血，風旋雪裹身。  
對鏢歸思動，挂壁蒯緌塵。醉後時橫看，終當贈與人。

西北 俱妙

西北誰家婦，雄才似木蘭。一朝馳大道，幾日隘長安。

紅失裙藏鏗，塵生襪打鞍。當壚無不可，轉戰諒非難。

又

金鞍七寶歌，玉手控青絲。人馬才相得，風雲氣本奇。  
勢輕香易墮，樣巧影難為。馳罷雄心在，何曾斂翠眉。

又

尺錦卽成裝，當眉綰結方。須臾撒身手，馳驟蹴風霜。  
簷影千門亂，街心一帶長。忽逢游冶子，繫馬問家鄉。

桃花堤上看美人走馬 和青霞君

一鏡圍湖水，千峰遠梵宮。大娘迴劍器，小伎落驚鴻。



影深穿柳日蹄響帶花風望斷梨腮粉紅塵一道中

春日過宋諸陵

意悽而調健

藁葬未須憐生時已播遷威儀非舊典世代是何年  
過客悲山鳥王孫種墓田回看隴頭樹似接汴京煙

又

落日愁山鬼寒泉鎖礦宮鬼猶驚鐵騎人自哭遺弓  
白骨夜半語諸臣地下逢如聞穆陵道當日悔私戎

孟后怨

福薄姑言信君難國事非官家儼平昔賤妾獨何依

汴水千秋逝山花幾度稀還憐先帝寵夜夜月中歸

竹月篇為易道士賦

景色靈

脩竹隱丹扉蕭蕭映月微林稠光不礙葉動白俱飛  
製鼎看圓鬼裁簫度羽衣翻經清夜永猶帶露華歸

寄尚賓因借石磬

南明棲息久凡著幾何書夜峽月生石朝窻雲入疏  
特懸孤磬在時扣萬山虛自笑耽清物持來一借予

宛轉詞

宛轉一臂斷流落二喬輕覆水已無及通家如有情



歸來粧粉暗啼罷。淚痕清。莫道紅裙怯官家。盛甲兵

湖嚴氏有二女其翁以長者許渭繼室渭自愆

盟頃聞為海寇斷其翁臂二女俱被執旋復

放還便已作宛轉詞憐之後知其長女被執

時即自奮墮橋死幼女放還亦死因復賦此

宛轉詞中覆水句正悔愆盟也

訝道自愆盟天成烈女名生前既無分死後空餘情

粉化應成碧神寒儼若生試看橋上月幾夜下波明

順昌道中新晴

解轡投山屋東鞍聞曙雞風雲留宿雨花草踏晴泥

曉峽喧谿路春沙泛馬蹄遙知武夷曲只在亂峰西

十六夜宿葉坊玩月 置杜集中誰復可辨

昨照橋中閣今輝驛口沙清光迷魍魎冷暈嘔蝦蟆

與水浮諸海將山碧一涯春風正司令桂樹斲停花

杜鵑花 絕幽

煙雨艷陽天山花發杜鵑冤愁數葉暗血漬一叢鮮

正色爭炎日重臺背絳箋春風幾開落遺恨自年年

古鏡 雅健



白日海杯土。青天射兩丸。且須防薄蝕。詎止鑿衣冠。  
神物含光易。深山識寶難。不知丘壑裏。還掩幾冰團。

陳女度尼

青春正及笄。削髮度爲尼。別母留粧粉。參師歇畫眉。  
幻真臨鏡現。生滅帶花知。未必今來悟。前身受記誰。

金客

君是鄴兒非。黃須短褐衣。單身亡命去。虜首賣錢歸。  
業曠家人棄。門寒結客稀。自知終有用。窮巷且藏機。

贈相士

節鉞下明州。東隨一劍留。帷中占勝色。市上立清秋。  
碧眼胡僧避。青囊道侶求。相逢多幕客。曾見李藩不。  
分賦得吳山送俞君還巔

芸閣校書篇

吳山碧石頭。雄抱浙江流。大可興雲雨。微還適覽遊。  
常登應結戀。乍別不能留。明朝翠色遠。知爾在行舟。  
薄霧靄香筒。青緗走蠹蟲。一梯陟劉向。萬帙映楊雄。  
鳥下窺書古。花飛綴字紅。他年在天祿。羞與俗人同。  
飲雲居松下。眺城南



夕照不曾殘。城頭月正圓。霞光翻鳥墮。江色上松寒。  
市客屠俱集。高空醉屢看。何妨高漸離。抱却筑來彈。  
送內兄潘伯海謁選

之人千里行。言宴款郊城。牽爾衣裳處。紛予帷幙情。  
見兄兼念妹。送舅祇携甥。明歲承恩日。龍池萬柳青。  
聚法師將往天台止其徒玉公庵中余為留信

宿玉芝

欲向天台去。先為剡水尋。秋行萬山出。夜宿一庵深。  
燕語調花氣。猿歸帶講心。年年石梁興。送爾益沈吟。

省試周大夫贈篇罷歸賦此

贈篇有天池欲化龍句 每厓

十謁九不薦。那能長作儒。江光凌棄壁。關色黯歸繻。  
薇蕨求新主。羹湯問小姑。風雷亦何限。終是惱凡魚。

豐吏部公邀泛西湖觀荷明日寄作令與嘉則

敘父追和

吏部元耽飲。良辰尊俎攜。分明在湖上。記得似耶溪。

別浦紅裙漿。垂楊白馬堤。茫茫荷葉路。共水入天西。

賦得戰袍紅

時少保公得瑣賸刺製袍命賦

海鬪染啼猩。征袍製始成。春籠香共疊。夜帳火俱明。



自與鶉旗映還宜蟒繡縈戰歸新月上脫向侍兒擎

嚴先生祠

碧水映何深高蹤那可尋不知天子貴自是故人心  
山靄銷春雪江風灑暮林如聞流水引誰識伯牙琴

白鵬 少保公所遺

片雪簇寒衣玄絲繡一圍都緣惜文采長得侍光輝  
提賜朱籠窄羈棲碧漢違短簷側目處天際看鴻飛

初入京瞻宮闕

域中夷夏極天上帝王家西內宸居逼南都鼎

地餘烏啼御溝柳參散閣門花昨到貧方朔封書幾

幾車

來青亭

畫棟將雲遶修簷傍漢開亭非邀翠入山自送青來  
遠色虛難寫遐觀縱未迴共言春景麗不見使人猜

元旦與肖甫較射 各分五韻

煙光海日曛青帝早司東候轉弓猶勁標疏的略紅  
耦彎雙月吐長臂一猿通本是無爭者心知此際雄

季長沙公哀詞 彭山老師



槐樹宛低迴猶疑講席開死因雙宿去生為六經來  
遶瑟飛春水傳燈暗夜臺三年更築室未了獨居懷

懷陳將軍同甫

時鎮滇漢鑿昆池於長安而將軍親見於滇成一笑矣

飛將遠提戎翩翩氣自雄椎牛千嶂外騎象百蠻中  
銅柱華封盡昆池漢鑿空鴈飛真不到何處寄秋風

鈕大夫園林

按察公石溪

萬樹梅花國垂簾試一凭高樓煙欲暮遠岫雪將晴  
帆舫時時渡溪橋處處橫若耶無限景都有此中情

送高叟入燕

橫山

少小幽燕客重游白髮多人欽舊然諾客和古悲歌  
紅葉淮流舫黃塵沛縣騾向來沽酒處留得幾嬌娥

背樹

背樹零宵露羈蒐斷曉鋪正當愁畫地誰遣放啼鳥  
拭淚身仍繫酬恩計轉迂應勞垂老兔結草向冥途  
賦得看劍引杯長

高會莫匆匆魚腸把似公睥睨寸心在慷慨百壺空  
客散平原夜波寒易水風秦讐不能報淚落酒杯紅

賦得暗塵隨馬去

詞氣風流



春夕麗春燈芳塵似有情難隨羅襪緩却逐馬蹄輕  
高縷迷鞍淺低光影鐙平酒家莫留繫一夜遍都城

賦得芹芽

似杜

青春曲水滑芹吐小芽滋在野未堪摘獻君知幾時  
暖風來燕子寒食伴棠梨一夜休教老留尖煮鱸絲

鎮江

大是風人

落日挂城角孤蓬憩水窻草長交浦斷潮大入河降  
笑蕪辭鄉飯櫻桃過鎮江吳船夫婦唱十曲九成雙

王山人月房

漁鼓或作愚鼓

夕春何所宛在水中央丹竈泥初濕紅顏藥正芳  
菱花歸舫亂荷葉過人長一自彈漁鼓陶陶醉幾場

仲春李子遂季子牙史叔考坐雨禹跡寺景賢

祠中醉餘賦詩並用街字子遂來自建陽一

別數載

娟淨有情

病久不到此荒祠草上堦陰晴連日異閩越幾年懷  
夜梵潮三丈春酥雨一街梨花無月處有客醉金釵

法相寺看活石

蓮花不在水分葉簇青山徑折雖能入峰迷不可還



取蒲量石長問竹到溪灣莫恠淹斜日明朝恐未閒

侶琴篇為趙子賦

豈無蘭蕙好獨結嶧陽桐養鶴多因爾遊魚亦為儂  
風雷縣一壁山水伴千重一作梅花弄都令雪滿空

寶刀詩 清壯

雙鈕黑銀鏤來從大士齒縹緗結蠻女鐵色照并州  
不惜金千鎰能縣水一溝牀頭好珍重兼許茂先收

答謝上谷諸公

一客宜城鎮真多地王良停車松樹下投轄井中央

紅燭籌枚滿蒼毛塵話長別來知幾日柳色滿紅墻

書箒贈顧鴻臚

廿載神交後尺書長跪辰涸魚幸不死閨月亦徒春  
碧柳深高館紅雲近侍臣相過不能數叔夜懶方真

王口北見遺貂帽因往

制伯貂冠而玳蟬

一圍消雪遠兩翅辟塵賒朔北凍殺馬遼東買斷牙  
錦筵津頰玉深戶擁腮花一罩山人憤徒遮鬢髮華

納妾詩 雖艷不浮

角枕覆衾長新香異舊香昔年曾射雉此日復求凰



杏。屬。開。春。鏡。鴉。雲。換。晚。粧。夫。君。莫。早。起。初。日。未。高。梁。

駿霞篇為天台黃子賦

燕市千金駿天台一片霞持將兩神物較許大名家  
每過愁驢直言歸必日斜御河生隔斷楊柳暗宮鴉

梨

潘家大谷梨見潘岳賦及柳子厚詩近河間以黑窠馱其膏人京梨有一種名鴈過消紅而瑩班班似犀下咏俱幽沈大雅與杜並傳物十七首俱用正韻

潘家大谷梨今遍九河堤接樹冰千鞠單顆水一提  
馬馱香黑甕鴈過脆紅犀未怕相如渴王孫儘翠眉

杏

蜜甘人享蜂徒自苦杏甘則蠹杏徒自苦不若苦李之自金也

杏有海東紅珍高百品中色來先壓市子大欲沈籠  
釀苦蜂何為人甘蠹亦同道旁繁李樹好去問王戎

李

閩有夫人李洛下有嘉慶縣李並佳

閩種夫人異燕枝嘉慶同蹊堪為李廣核可付王戎  
碎玉當唇綠飛錫遶臂紅歸來憶滋味能得幾時釀

頻婆

一名平波

石密偷將結他雞伏不成千林黃鵠卵一市楚江萍  
旨奪秋廚腊鮮專夏盃冰上元燈火節一顆百錢青

胡桃

燕近出雞頭子頗佳而價亦踊



行天... 卷之...  
羌果薦冰既芳鮮。占客樓自應懷綠袖。何必定青州。  
嫩玉寧非乳新苞。一不油。秋風乾落近騰貴。在雞頭。

### 白櫻桃

櫻桃琥珀珠。一樹忽禪磔入袖。迷吳苧如珩。信楚書。  
朱唇嘗處訝翠葉凍邊舒。欲問丹陽鳥。曾銜此類無。

### 土豆

絕似吳中落花生及香芋亦似芋而此差鬆甘

榛實軟不及菰根。旨定雌吳。沙花落子蜀國。葉蹲鴟。  
配茗人猶未隨羞筋。似知嬌顰非不賞。憔悴浣紗時。

### 薯蕷

卽山藥

扶中識舊方。爽吻得新嘗。臙廩衰年壞。山薯此地良。  
芋魁徒軟美。松粉藉餒餽。楚些那遺此。清酥點蔗霜。

### 鐵腳

吳下繇披細燕中。鐵跣纖俄爲群。少炙祇用一竿黏。  
暗雪辭饑啄。紅椒餽醉髯。窺螳黃雀事。公子慎金丸。

### 黃鼠

膏厚而瑩徹

幸不爲殘嚙。何由冒劣名。庖廚窮口腹。天地窘生成。  
淺草遮人拙。深膏傍燭明。斷虀吾自分。食肉任干城。

### 半癡

小鳥形半于雉而脆美上谷人與黃鼠共稱然癡而易襲遂以名



厄與癡相半、禽將鼠共縣、味雖供客好、名却使人憐、所下惟雙筋、何妨少一拳、如聞三嗅叟、笑殺雉羹筵、

酒三品

日桑落襄陵羊羔價並不遠每甕可十小盞須銀二錢有奇

小甕五雙、盞千蚨、五瓮香無錢、長買醉有客、偶攜將醞藉、宜高價、淋漓想故鄉、狹斜壚不少、今夜是誰當

荔支

出新會者名進奉絕佳有以小瓮載販陽江者到即競報其土產稍劣或邀食多以

蔗隨放猴取高荔蘇公事也

帆檣報荔支、猶憶海南時、一邑明勾漏、千罌枕蜜脾、消中隨蔗往、高樹放猿之、近日肝腸別、依稀餓采薇、

又

當醉更須醉、當飧便買飧、幾年千里外、一顆百金難、飛騎休輕刺、垂猩且奪看、老甜今已矣、世味飽鹹酸、

熊

此李勳尉獵而托饋大兒故三四用蜀陳家事五六則憶曩食熊獵掌特甘醲而此顧亞

必豕熊也七八用茂先事意謂儻恣口腹何所不至耶

李廣射熊歸、生肩付大兒、都無一寸白、儻有幾條笞、腊掌吾曾飮、鮮蹠勝略差、窮饗亦何劇、急鮓白魚遲、

黃羊

味絕勝善走俺答偶馳饋宣鎮故五六云然三四晏子語言也七八戲言耳雖貴胡

亦未聞食駝者



後漢書卷之九  
紫塞黃羊美超騰不易供。蹄雖千里外。命寄一廚中。  
誰致西河俎。言穿老上弓。賓筵三動指。早晚到駝峰。

河豚

白下酒家簷。河豚荻筴尖。寒江晴後雪。爛柳窵中鮎。  
萬事隨評品。諸鱗屬并兼。惟應西子乳。臣妾百無鹽。

送薛鴻臚左官袁州

佐郡袁州去。江行萬里西。興牽春水鴈。心斷早朝雞。  
蠻境風煙近。巫鄉習俗迷。正須煩料理。滕閣未遑躋。

雨

一雨連秋夏。無朝不冥迷。曉添四壁篆。夜助百蟲悽。  
蒙羃遮城漏。蒸潮汗礎泥。直愁衡岱頂。亦障海鳥飛。

夕霞

第三首魚勞則尾  
赤詩云魴魚頰尾

三篇麗色相映

明霞剪脚齊。茜水入霄泥。鴈鷺千行外。巖巒一角西。  
石家錦步帳。海國紫玻璃。安取揮戈術。相留莫遣飛。

又

明霞爛且都。雨歇霽霄鋪。萬國樓臺莫。孤村煙火晡。  
波鱗銷琥珀。海色上珊瑚。一抹須彌翠。胭脂月鏡孤。

又



後文長文集 卷之六  
元氣渺太素丹鉛何所粧白魚勞尾變紅石補天長  
剩付煙嵐彩全併沉瀆光俄飛一片紫騎鳳是蕭娘

送某子北上

送子有所思秋風來何翩拜翁挂貂處談我篝燈前  
棗紅芻馬店霜白聽雞天一隊長鞭裏輕寒早着絲

某君中貢選送之

物有幽奇者飛騰各擅方巨魚須北化細芷不南香  
在獄持何贈穿泥以劔將回思成一笑君自有魚腸  
人言鳳尾蕉花於某縣庭命作

鳳尾本蕉材紅花綠葉隄縣庭今一見蠻地不曾開  
孔雀羞金翠蕭娘坐粉腮潁川黃霸在辛苦送祥來

壽葛貞母 亦諱亦趣

終歲不成粧釵寒古鳳凰詩堪將柏賦年亦與松長  
列女誰同傳稱人果未亡當筵思舉案誤迺百年觴

乙亥元日雪酌梅花館

有扁二日柿葉  
堂曰葡萄深處

秋葉已凋疎春林積雪初溪藤不復買裙練免偷書  
挂碧來鳴鳥堆紅補破廬待予新買屋自種兩三株

又



花葉看雖少。藤稍遶更賒。蒼須搖水雪。白玉碾龍蛇。碧氣將檐薄。濃陰奪竹斜。去年深夏熱。特地為予遮。

初夏送某客入廣

廣中賈客寓所隔岸則倡居也率以一錢擲艇子輒渡

海南多寶地。客也傍春行。涉嶺梅丸綻。當塵荔子明。

百香番賈舶。雙翠美人纓。會向青樓去。時呼艇子乘。

賦得風入四蹄輕

雷總戎嘗騎千里馬風掣其衣僅存襟背又云趙總戎亦

然故三

章二云

駿馬四蹄風。形容有杜公。一塵不動外。千里颯然中。

白草連天靡。蒼鷹蹋翅從。檀溪不須躍。隨意過從容。

又

愛妾換初訓。將軍驀紫騮。颯颯只聞響。陣陣不禁秋。練影難長曳。房星易一流。路旁看不細。多是失回頭。

又

借將從虎物。并去翼龍腓。戍削纔辭檝。崩轟已破圍。寒呼隨跪起。黑旋裹鞍飛。曾聽將軍說。雙雙碎鐵衣。

又

赤驥本龍精。行時不是行。看遲八尺影。過急一團聲。帶烙成駢死。嘶鹽了此生。孫陽何處是。淚盡太行程。



雨舟載鶴詩

淒踈有遠韻

買鶴載歸。去况逢風雨。天容裝兼。有此江影。兩瀟然。濕重。孤雪波長。立暮煙。園池寧有此。漠漠迥堪憐。

元夕之辰。偕友人集九里之天瓦。寒泉二庵各

賦并序

去郭九里曰九里者。爐峰舒臂其西高則亂

石偃拔駭獸穿林下。則迴泉紆縈驚虺入草

兩精舍各據所勝。止息緇黃。因石以覆。則為

天瓦。依流而茨。乃題寒泉鸞鶴之所。必棲猿

麋舍此莫集也。某君南來之暇。稍厭賓筵。及

子元夕之候。載觴其中。上下高流。狎弄魚鳥

落帆到舍。則月白燈紅矣。似別武陵。悔返城

市景遷情改。寧免生滅之緣。各有賦篇。令子

作敘

尋常難淡泊。况復值茲辰。山水留吾輩。燈花媚別人。

言歸城市去。似別武陵春。一路梅花水。今年弄月新。

擬壽長春祠何老

語爽而幽

雲母何姑粉。增城幾葉春。馮心行好事。作屋在仙人。



鍛柳堆山鍊眠松弄水銀面上桃花色流年始七旬

京中送友人南歸 浩然逸詩

不道歸真急翻嫌握手遲綠蠅秋漸少黃鳥日相思  
以我尚未去問君來幾時答言春盡後北鴈與同飛

送蔡安父之黃州 梅天景色在目

安父黃州去乃當中夏時榴花作火豔梅雨爛蠶絲  
研墨法法燥窻書葉葉吹今朝霽如此別馬快風嘶

與葛景文 疎灑出錢劉上

冬潦無人出君胡為來歎山樓隔年病江渡幾封書

健後堪風雨貧來無菜蔬不能留一飯歸去寺煙餘

畫紅梅 前四句雋

即使胭脂點猶成冷淡枝杏花無此幹鐵樹少其姿  
挂壁紛紅雪圍春在錦池無由飄一的嬌殺壽陽眉

畫竹 句亦有煙色

萬物貴取影寫竹更宜然穠陰不通鳥碧浪自翻天  
憂憂俱鳴石迷迷別有煙直須文與可把筆取神傳

筵中漫贈王良秀筆史 閒思

囊琴三尺餘授我主人居老叟能稱隱諸郎總解書



夜深時喚酒。春盡共騎驢。去到西湖上。梅花帶雪舒。

吳門逢孔將軍於塾

舊日堪為將。今來復授經。王人盛供帳。醉尉止都亭。  
終歲只在野。因予一入城。相悲十年事。淚落酒杯平。

書倪元鎮畫

神情淡遠

一幅淡煙光。雲林筆有霜。峰頭橫片石。天際渺長蒼。  
雖屢須金換。如真勝壁藏。偏舟歸去景。入畫亦茫茫。

無題

翁也專樞密。儂今職贊襄。西京留守重。北帽侍中方。

凌氣松鱗紫。湖霜藕葉黃。江南秋色好。此去滿帆檣。

賦得草窻篇為周衛卿之號

周繪  
工蟲

草綠鳥喈喈。開窻一斗開。日蟲堪上筆。一片欲遮苔。  
莫影紗紋澱。春芽老氏孩。元公有知不。一笑隴牛堆。

食虎眼

虎眼荔枝  
之佳品

虎眼白琉璃。誰能隸虎皮。小毬蜂粉結。高液鳥群司。  
婦去茶如薺。王歸膽亦飴。由來甘苦柄。舌觀豈能持。

蠟

細而不織。自堪叫絕。  
紅綠襟文。窻薑橙檮。末高雙螯。交雪挺百品。失風騷。



餽喜朝爭穀。颺聞夜泣糟。大蘇無缺事。只恠佞江瑤。  
蘇傳江瑤柱乃不傳蠲

又

水族良多美。惟儂美獨優。若教無此物。寧使有監州。  
辟鬼秦關夜。輸魁海稻秋。河豚直一死。只好作蒼頭。

又

吳興饒吻守。越國朶頤人。風韻誰偏少。吹噓爾絕倫。  
沅江九肋鱉。松泖四腮鱗。遍試張華醋。還誰五色文。

又

爾故飽菱芡。饑來竊稻梁。逃蕭孟嘗走。結草杜回烹。  
蛻許山蟬嫩。腥憐海麝香。那能親箬笠。夜夜伴漁郎。

又

織篠挈千籃。枯筐養八蠶。縛嚴愁廣武。霧重死淮南。  
金紫膏相蝕。尖團酒各酣。秦人不曾識。付與兩齊叅。

蠶筐見檀弓八  
蠶者南粵種也

胡市歸 胡館不一刻  
羶觸數日

胡養復胡王。無鷹不飽颺。滿城屠菜馬。是鼻掩綿羊。  
卽苦新輸輦。猶勝舊殺傷。從來無上策。莫笑嫁王嬙。



客餉我笋脯一小筐。穉而甘澹擬謝

晨觴急十斟。笋脯美遼參。玉版禪師韻。黃冠道士簪。山存仍受虎。春代并更禽。籜畔夫將婦。隨農綠針

聞人賞給事園白牡丹

白牡丹殊雅。曾於舊譜聞。掃眉嬌號國。新寡縞文君。黑牯眠雲飽。黃蜂奪雪芬。愛憎誰與定。賒酒借花醺

又

梁園月下白青瑣。第中逢定是千金。買來陪一捻紅。珍奴學龜息。越女鬪猿公。作意驅脂粉。天然輸與儂

又

休量姑射子。不語息夫人。香暗聞龍腦。須黃見蝶身。雪腮宜買笑。霜鬢可饒嗔。莫學盧郎婦。題詩謔老人

化城寺 中晚佳境

方引主人轄。轉為山寺嬉。門深當水盡。路曲入松移。破鐸搖簷鶴。寒萍蔽沼龜。過溪無虎嘯。枉送遠禪師

明日至古博嶺雨

無寸非濃霧。寒空濕太勝。泥深驢項沒。雨近帽簷生。練泄未到眼。客途先苦行。真成評嚼攬。敢與棗兒爭



京邸贈沈刑部

叔成自安鄉召入善畫梅在署竟日伸紙洞庭逼浸安鄉

人多驄馬客君慙白雲司棘署了公事梅花作雪枝  
帶寬知懶在馬重覺塵隨頗憶洞庭否煙波十二時

哀周鄭州沛

莫以拘攣輩交攻放達偏窮如知老後樂似欠年前  
匣藻鮫俱泣園花石共遷傷心能幾輩可感我不潛然

又

雪涕尋前誼敲門憶昨晨鼻盧呼未歇蝦蟇醉仍頻  
月者過荒館霜顛破角巾飄零雪如此昨日故將軍

曉發句容

宵來醉眠處忽為遠林遮三尺短絨爛一程長耳賒  
村村落斜月樹樹林輕霞只尺丹陽近江魚入饌嘉

送沈叔子南都迎母

馬上定苦渴幾迴停轆轤別兄當北邸接母到南都  
桃葉橫前渡荷花滿後湖此行大家逐誰敢問當壚

送馮叔系之南都訪舊

江國柳雖盡將及梅花新路遠即逢雪天寒別有春  
高牙紛海幕長劍著孤身乞取封書去難辭舊主人



景文至其舅劉所過園中

兩橐行廚過清醪溢瓦盆一行澆鬱思百覆失煩冤  
笋候人家飯鶯天桃杏村無由共甥舅鎮日效園門

送俞生之入楚

頗善繪事

作客向襄陽編頭大舸裝江行多雪候旅宿盡漁鄉  
此景俱堪抹行囊好爲藏歸來逢鑒賞幾度挂山窓

張子錫往訪其弟長治

伯兄官署去因寄仲君書問政應如水添廚稍出魚  
越人多好着潞錦小花裾看取寄歸匣都無一尺餘

與任生話舊

麻衣飄雪處益動而翁思近日君家事子僕那得知  
笋天應薦墓柏涕可枯枝莫作徒悲切遺書退學詩

送張君會試

明年此時節意氣何揚揚但遣馬蹄疾莫愁花路長  
幾多青樓婦認取舊檀郎何處最笑指當壚壓酒娘

挽上虞葛翁

聞道自髫年傳經徹舊編裘糧百里外卒業一燈前  
閱傳知高士遺孤是大賢斯人真不死可以慰黃泉



授經館中懷江東諸同志

時復病

能得幾回春，匆匆滯此身。一江書易寄，連月性難馴。  
買藥獨行市，敲門暫訪人。幾時束書卷，來伴釣魚綸。

蠟屐

一生幾兩屐，此語爾非迷。何事淪猩趣，終年弄馬蹄。  
萬錢收錦屨，五岳遍丹梯。齒畔如瀕損，屋蜂借一脾。

題雪景畫

諸暨陳仲子

幽人凭水檻，釣者挈魚投。况對千山雪，而無一客留。  
臘酒此時熟，老夫終歲憂。壺公能醉我，跳入畫中休。


為陶工部贈道者

終是千年鶴，今先返舊城。到家人尚在，入洞雲來迎。  
紫氣莫西渡，青山留震盟。野夫慙尹喜，却辦候閑情。

將遊五泄宿吳系山庄遇陳老迎餉邀余輩先

登峨眉不果

遊轡維林竹，山窓來獵燈。青蘇炊白稻，碧笋束紅藤。  
坐落半宵月，流分曲水亭。忽逢山下老，邀上峨眉層。





卷之四

卷之四

卷之四

卷之四

卷之四

卷之四

卷之四

卷之四

卷之四

卷之四

坐落半官民荒分曲水等處山平茲土御原

茲土御原山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨

山意來難登青嶺大白餅餅東臨



